

24 OCT 2000

DR MAHATHIR RAI PUTERA SULTAN ABDUL AZIZ

PUTRAJAYA, 24 Okt (Bernama) -- Perdana Menteri Datuk Seri Dr Mahathir Mohamad malam ini meraikan Timbalan Perdana Menteri Kedua Arab Saudi Putera Sultan Abdul Aziz Al-Saud pada jamuan malam di Seri Perdana, Putrajaya di sini.

Yang turut hadir ialah Menteri Pertahanan Datuk Seri Najib Tun Razak, Menteri Tenaga, Komunikasi dan Multimedia Datuk Leo Moggie dan Menteri Perusahaan Utama Datuk Seri Dr Lim Keng Yaik serta diplomat asing.

Putera Sultan Abdul Aziz yang juga Menteri Penerbangan dan Pertahanan Arab Saudi, tiba di sini hari ini untuk lawatan selama lapan hari.

Beliau mengetuai delegasi seramai 164 orang.

Lawatan beliau adalah atas undangan Dr Mahathir. Lawatan itu akan memberi tumpuan kepada beberapa isu semasa terutamanya mengenai keamanan di Asia Barat dan konflik Palestin dan Israel.

-- BERNAMA

RV NM RHM